

Visoki predstavnik pozdravlja dolazak ambasadora Martina Ney-a na funkciju višeg zamjenika visokog predstavnika

Visoki predstavnik, Paddy Ashdown, pozdravio je dolazak ambasadora dr. Martina Ney-a koji je danas preuzeo dužnost višeg zamjenika visokog predstavnika.

Ambasador Ney će na funkciji višeg zamjenika visokog predstavnika biti angažiran na pitanjima vezanim za reformu odbrane i obavještajnog sektora, za poduzimanje napora usmjerenih na jačanje zajedničkih institucija, reformu javne uprave, reformu medija i uspostavu Javnog RTV sistema u skladu sa standardima EU, razvoj civilnog društva u BiH, kao i za pitanja koja se odnose na djecu i mlade.

Ambasador Ney je u službi u njemačkom Ministarstvu vanjskih poslova od 1986. godine. Prije dolaska u Sarajevo bio je nadležan za koordiniranje aktivnosti vezanih za sudjelovanje Njemačke u razvijanju zajedničke strane i sigurnosne politike EU, što je obuhvatalo i definiranje politike prema zapadnom Balkanu.

Ambasador Ney je studirao pravo na Univerzitetu u Würzburgu i Univerzitetu u Ženevi, kao i politiku i ekonomiju na Oksfordskom univerzitetu. Diplomirao je pravo na Würzburškom univerzitetu, a magistrirao je na Oksfordu kao stipendista C. Rhodesa . U periodu od 1983. do 1986. godine predavao je ustavno i međunarodno pravo na Univerzitetu u Würzburgu, gdje je 1985. godine i doktorirao međunarodno pravo.

Svoju diplomatsku karijeru započeo je u Pravnom odjelu

njemačkog Ministarstva vanjskih poslova, nakon čega je u periodu od 1988.-1990. godine obavljao funkciju šefa Odjela za kulturu i kontakte s medijima pri Njemačkoj ambasadi u Bankoku. Tokom pregovora o vanjskim aspektima ujedinjenja Njemačke, ambasador Ney je obavljao funkciju pravnog savjetnika, te predsjedavao Pravnom komisijom tokom finalnog kruga pregovora. Nakon toga je u periodu od 1991. –1993. godine obavljao dužnost izvršnog asistenta državnog sekretara u Ministarstvu vanjskih poslova. Godine 1993. preuzima dužnost savjetnika za političko-vojna pitanja u Vašingtonu, prije odlaska u Tokijo 1997. godine. Sa funkcije zamjenika šefa Ekonomskog odjela Njemačke ambasade u Tokiu, koju je vršio godinu dana, prelazi na funkciju šefa Političkog odjela Ambasade koju je obavljao u periodu od 1998. do 2001. godine.

Oženjen je. On i njegova supruga Dr Gabriele Ney imaju dva sina.

Tokom služenja vojnog roka, u periodu od 1974.-1976. godine, ambasador Ney je svirao flautu (drugi flautist) u Prvom muzičkom orkestru njemačkih zrakoplovnih snaga.